

重修涪州志

卷三
之五

重修涪州志卷三

建寧志

堡

城池

涪城華陽國志晉咸和六年冬城涪陵

按此當是郡前城城始見此

明宣德間州牧邵公賢創置成化初乃砌石作城高一丈八尺周四里圍五百四十丈

國朝康熙二十四年修葺置五門東迎恩南懷德西鎮武北永安東北朝宗乾隆二十九年州牧陳公于上奉

旨監修咸豐元年粵逆肇亂

詔天下完繕城郭九年州牧姚公寶銘勸捐重修邑舉人

王應元記曰蜀江之東瀕江而城者十數重夔爲重

鎮其間州縣而最衝要者有二曰萬曰涪然萬惟襟

帶江水其自北入江者胥匯谿

谷細流舟

航不通雖繁劇

亦陸通隴蜀而止耳而涪則左據大江右扼黔水水

旋折黔中數千里納大小水百數以趨於涪而注諸

江商艘賈舶蠻貨夷賁自滇黔兩廣楚南驚駛鷁飛

以來日夜停泊帆檣若薺渡東岨則西秀千里兩湖

百郡獐獐獠獠碕巢巉峒弗達若大江南北水陸

所通無論已然則涪之城之爲衝要其視萬蓋又倍

蕞不啻焉。漢光武之伐蜀也，公孫述遣兵拒岑彭於此。漢兵阻不得進，彭竭智力破此軍，而子陽遂以成禽。明獻賊既入夔門，急欲圖重慶，卒不得志。迨曾英戰敗涪州城外之望州關，獻賊得取道南碁江津順流東下，重慶破而全蜀遂屠。由是觀之，涪雖小州，其關係全蜀利害如此。使昔之人悉其扼塞屹然，建重鎮以與重夔相鼎峙，其當爲全蜀捍蔽何如也。然從古固鮮有及此者。同治元年，髮逆僞翼王石達開擁衆數十萬，由湖南覬覦全蜀，悉衆攻圍涪州凡八晝夜。方是時，周逆踞鶴坪，藍逆擾

此岸城中

惟一文吏督居

民數千誓死守苟失利賊得跨有長江與周藍諸逆合全蜀糜爛堪復問哉乃卒狼狽堅城之下窮竄南荒以底於滅或以爲是役殆有天幸非人力或則歸功援兵嗟乎夫豈知皆往歲州人士大城州城之效哉先是咸豐中粵逆猖獗有

詔城天下城涪州城據州志自前明宣德始

國朝康熙乾隆復修壘卑而土石之工惡比奉

詔因循未果修也滇匪李永和起敘州賊氛益逼邑紳合謀以請於州將姚公許之出素著清望者於鄉募經費衆心踴躍廼揀才力敏幹十數人董厥役經始於

已未春基視舊而少擴十之一先扶糞壤六七尺真
土出乃下石石必方長五尺漸上而殺止三尺合以
灰隴甍者不易不得遽壘石其上巡工風雨寒暑必
出視維謹畚插雲連杵鑿雷輶輦輓屬於道艤運蔽
於江功剋日用集城高二丈五尺週廻五千六百五
尺城上可並馬馳墀厚二尺高隱肩脾睨九百三十
四門五礮臺五高等城門樓五費緡二萬四千四百
有奇胥涪人自出私錢訖工於庚申四月以予行幾
天下半所闕名城巨鎮若斯城在伯仲間亦無幾也
旣城之次年石逆至憚其堅穴攻洞而遇石賊計窮會

援兵集一戰而遁昔平原以一郡蔽賊令李郭成恢
復功涪以孤城遏石逆俾江北諸將帥得奮全力殄
滇孽以視平原顧何如耶方工之興也大府委長壽
費明府親勘估計工竣州上其功竟以報銷故寢不
上

聞獎敘之澤屯焉然城成而州人卽食其報且陰爲全
蜀庇後之人但於風雨齧蝕繕而完之勿視爲公家
事且數百世利賴又烏用翦翦邀一時之爵賞爲也
時州大夫爲古閩藍坡姚公由進士來牧是邑倡議
者運同銜周君曾祐通江縣訓導周君熙堯募捐者

長甯縣訓導夏君榮岳涇縣教諭毛君徙南五品誥
封傅君孝思布理問何東陽廩生余光達舉人呂毓
琳訓導趙銜宣汪紹洋五品銜劉劼監生陳金聲戴
錦堂而元亦與焉督工拔貢李君樹滋增貢州判譚
君孝達監生鄒君篤勳彭君瑞麟從九周君熙增司
會計從九劉君炤監生周君錫疇咸殫心畢力誠信
自矢乞歲事無齟齬皆宜書歲戊辰運同君屬予記
因詳紀城之有關全蜀可與重夔並爲蜀江之東重
鎮者以告來世俾知綢繆未雨旣有斯城之可恃若
更能於古昔賢良吏防患未然而不僅一城之恃者

究心而致力焉則信於全蜀控制之宜思過半矣獨涪乎保障也歟

水城 西接城根由龍舌街抵大江東接城根由黔清街抵涪陵江厚六尺高八尺內置礮位同治元年石逆圍城州人徐邦道協衆創修以通援兵便樵汲外城 由接脉橋繞南門西門而下轉抵水城長一百六十餘丈高丈四尺內置礮位同治元年賊圍解後創修按涪城北俯大江東倚黔水不需池西南山高而逼又不可池城守者扼五關爲要金湯固矣

附城內街市

東大街 孝義坊 染匠街 西大街 親愛坊

樂家巷 學 壩 腰街子 儒林坊

附 城外街市

順城 大橋

東華街 廂子街 五桂堂 晏溪橋 黔清街

麻柳嘴 東昇坊 龍舌街 樊家街 潘家巷

龍王嘴 翰林壩 瑞麟橋 通仙橋 南門山

較場壩 走馬街 官梯子 半邊街 棗子崖

珠子壩 小橋 具柳壩 青岡堡 鵝蛋堡

何家溝 鹽店嘴 半邊街 皮家街 紅牆巷

枇杷井 土門子 會同橋

公署

州署

國朝康熙七年州牧朱公麟正建二十二年蕭公星拱
重修正堂五楹二堂五間後堂五間右爲客堂左爲
書室左右翼書吏房九正中爲戒石坊儀門三楹鼓
樓一右監禁左蕭曹祠靈官祠頭門三楹照牆一東
西轅門

學正署 在學宮右道光八年州牧吳公庭輝移修倉
壩咸豐七年改置於此

訓導署

在文廟東

附

北門內街房押佃錢六十貫

歲納租錢四十一端

倉壩舊署歲納佃錢五十端

兩學均收

州同署 在治北百五十里鶴遊坪保和砦嘉慶七年
添置

武隆巡檢司署 在治東南一百八十里卽武隆縣治

吏目署 在州署儀門內左

駐防汛署 在城內腰街子

陰陽學典術 醫學典科

僧正司

道正司

考棚 向童試在公署道光七年州牧吳公庭輝闢城

內道門口街基創修頭門儀門大堂二堂左右號舍
兩層二千四百餘席照牆外聽鶴樓一座押佃錢二
百一十端外歲收租錢三十五端 頭門內左右廂
房押佃錢一百端外歲收租錢七端以備歲修

較場 在州城南門外

奎星閣 原址在田家巷口道光十四年遷置 聖廟
前二十年改復舊址咸豐七年壞於風八年重建

學校

學宮自前明萬厯中守道陳大道鼎建兵燹之後傾圮無存

國朝定鼎署州牧趙公廷正創建康熙甲寅吳逆變亂旋毀康熙四十六年州牧董公維棋建修乾隆三十九年大殿中樑折州牧賽尙阿公復修嘉慶十九年州牧張公師范補修同治四年歲久剝蠹州牧姚公寶銘重修邑舉人王應元記曰涪城形勢自南來貌怒驢奔波掀潮湧至望州關高聳矗雲邐迤北下趨注大小兩江之交而止城其端而學宮踞城最高處

折而南向面山背江趾高枕下故雖數修葺迫於趾
體製未善也同治乙丑正殿東鴟吻一角圯棟椽榱
杗有牽連摧崩之勢州大夫蘭坡姚公鵬紳者青矜
百數十人於署謀更新之先是學宮正殿後石骨稜
稜嶄然直下

崇聖祠故建正殿右東廡逼城根地勢窪陷兩廡蹙縮
簷牙蔽虧正殿東西隅十且二三宮牆外山趾交錯
狹不通人聖域賢關門一由城東女牆始可入一則
曲巷溷踰無可置足戟門左右室卽以祀鄉賢名宦
無齋宿所無執敬所無神廚

至聖神牌二封號一仍元舊一沿明舊今夫學宮教化之本也我蜀文治蒸蒸比於齊魯無如文翁石室而顧先崇禮殿俾一時肅瞻仰切景行意至深遠也今涪學宮之簡陋若此又何怪教化之未隆非聖蔑道者言百出而不可制止耶斯役也程材飭匠奠基構式其慎其難寢殿成卽拓殿後地數十笏築基與殿平建

崇聖祠拓東廡後地廣丈許改建兩廡各退尋尺俾兩廡翼然而拱正殿巍然而尊鑿宮牆外山址夷其阻廣半晦許俾氣象暢朗聖域賢關門外闢若甬道直

達通衢豁如也移鄉賢名宦於宮牆右立專祠

至聖神牌遵

大清會典定式六字正殿高三丈三尺方廣四丈八尺
崇聖祠五間七楹戟門五間五楹兩廡四間七楹禮器
庫樂器庫齋宿所執敬所神廚畢備廟之右爲明倫
堂若節孝若四賢若忠孝友義各祠咸撤新之飛甍
層檐金碧繡繪閭閻高峻牆垣厚堅觀者罔弗怵與
敬并闢隙地治宅二區歲入緡五十餘爲歲修資經
始乙丑夏落成丁卯冬凡役夫六萬六千七百餘指
用木甃磚石丹漆油鐵諸物稱是費緡一萬七千有